

BiH treba da preuzme kontrolu nad svim oružjem i municijom

Visoki predstavnik Christian Schwarz-Schilling je danas pozdravio zajednički poziv, koji su uputili NATO, OSCE i EUFOR da Ministarstvo odbrane BiH preuzme kontrolu nad svim oružjem, municijom i eksplozivima koji se još uvijek čuvaju u entitetima.

“Ministarstvo odbrane BiH je jedina nadležna institucija za rukovanje oružjem i drugom vojnom opremom”, rekao je danas visoki predstavnik. “Ne samo da je ovo prirodna posljedica prijenosa odgovornosti za vojna i odbrambena pitanja na državni nivo, nego odražava i činjenicu da je, nakon uspješnog usvajanja nove zakonske regulative o odbrani prošle godine, Ministarstvo odbrane BiH jedina nadležna institucija za odlučivanje o tome šta će biti višak u pogledu budućih potreba oružanih snaga. Još značajnije je da su oružane snage BiH najsposobnije da osiguraju skladištenje, zaštitu i raspolaganje opasnom vojnom opremom.”

BiH ostaje jedno od najvećih skladišta oružja i municije u regiji a desilo se i nekoliko velikih krađa iz skladišta.

“U sadašnjoj klimi zabrinutosti oko nezakonite trgovine i terorizma, BiH si ne može priuštiti da bude povezana sa situacijom u kojoj je vojna oprema došla u pogrešne ruke,” rekao je visoki predstavnik. “Propisna kontrola nad oružjem i municijom na nivou BiH pomaže da se osigura sigurnije okruženje unutar naših granica.”